



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1635. usque ad annum 1643

**Fleury, Claude**

**August. Vind. [u.a.], 1779**

**VD18 9011888X**

§. 23. Judicium de belli Gallici adversus Cæsarem justitia.

---

[urn:nbn:de:hbz:466:1-67406](https://nbn-resolving.org/urn:nbn:de:hbz:466:1-67406)

Sæc. XVII.  
A. C. 1636.  
terim Cæsarei Osnabrugum interclusa  
omni commeatus libertate, arcte pre-  
munt, civesque incautius erumpentes,  
Suecis fuga dilapsis, cum ingenti cla-  
de repellunt, Leslæus autem tempe-  
stive accurrens, capta Mindensi urbe  
Osnabrugum obsidione liberavit.

## §. XXIII.

*Judicium de belli Gallici adversus  
Cæsarem justitia.*

*Recueil des  
traités de  
confœd.  
pag. 117.  
Jæger. Hist.  
Eccl. l. 6. c. 3.*

Quamvis Ludovicus XIII. Franciæ  
Rex priori anno die vigesima o-  
ctava Aprilis armorum societatem cum  
Sueciæ Regina initam, hoc item anno  
die vigesima Martii Wismariæ, & apud  
S. Germanum in Laya confirmasset, ni-  
hilominus singulare fœdus cum Ber-  
nardo Vinariensi Duce, & cum Gui-  
lielmo Hassiæ Landgravio Vesaliæ die  
vigesima prima Octobris contra Cæsa-  
rem iniit, eidemque in defectionis  
præmium Alsatiam, licet Cæsarei, non  
vero Gallici imperii fuisset, articulo  
tertio, qui inter secretos habebatur,  
pollicitus est. Enimvero Rex in cun-  
ctis hisce fœderibus caveri voluit, ut  
*Catholici libero suæ Religionis exercitio &  
reditibus, uti ab anno Christi millesimo  
sexcentesimo decimo octavo possedissent, sine  
impedimento ac molestia fruantur, explo-  
rata*



Sæc. XVII.  
A. C. 1636.

plorata tamen Protestantium bonis Ec-  
clesiasticis inhiandi cupiditate, necnon  
comperto eorum in Catholicos odio,  
non deerant, qui hæc Gallorum cum  
Protestantibus foedera, necnon hosti-  
lem Hispanæ Austriacæque Domus in-  
vasionem tanquam Rei Catholicæ sum-  
mopere perniciosam, ac omnino in-  
iustam editis palam scriptis suggillarent:  
Hos inter haud infimus erat Cornelius  
Janſenius, qui sub ementito nomine  
Alexandri Patritii Armachani, librum,  
cui titulus: *Mars Gallicus* edidit. Re-  
gemque Gallum, etsi Christianissimi  
titulo gaudeat, impia arma ferre, de-  
monstrare satagens, præcipue Basia-  
nom Arroysum, abjectum Assentato-  
rem Gallum resellere aggressus est, eo-  
quod hic ad honestandam Gallicam  
hanc invasionem propugnare præsum-  
pisset, quod Regis foedera cum Pro-  
testantibus inita tanquam *nobile Gallo-  
rum stratagema* eo spectent, ut potissi-  
ma Europæ Regna, in quæ omnia ex  
Caroli M. successione Reges Franciæ  
firmum jus haberent, ab injustis usur-  
patoribus repetere valeret. Porro cun-  
ctas insulsi hujus Parasiti rationes Jan-  
senius valide confutabat, luculenter  
demonstrans, quod foedera cum Aca-  
tholicis, quæ in fidei atque Ecclesiæ  
Catholicæ detrimentum tendunt, juri  
*Hist. Eccles. Tom. LX.* F Divi-



Sæc. XVII. Divinæ, Naturæ & Gentium adver-  
 A. C. 1636. sentur, inter alia quoque Jansenius  
 gravi sermone hæc addit: *Ausim dicere,*  
*majorem esse belli Germanici contra Cæsa-*  
*rem, quam turcici impietatem, scditionem*  
*in Christiana sacra profanationem, effrenio-*  
*rem in Ecclesiasticos, & canobia Licen-*  
*tiam. Turca cæcus avaritia Libertatem*  
*religionis, quam invenit, servat; nullibi*  
*majus, quam sub ipso, adversus hæreses præ-*  
*sidium. Et paulopost, hoc omnibus Se-*  
*culis experta est Ecclesia, sub paganis, &*  
*gentilibus meliorem esse Christianorum for-*  
*tem, quam sub hæreticis.*

Fertur quoque, quod Jansenius in  
 lucubrationis hujus præmium anno  
 priori eadem die vigesima octava Octo-  
 bris, qua natus erat, a Philippo Hi-  
 spaniarum Rege ad Yprensem Episco-  
 patum nominatus, hocque anno con-  
 secratus fuisset. Ut ut autem hoc  
 fuerit, id omnino certum est, quod  
 Jansenii rationes præpedire haud po-  
 tuerint, quin Scriptores Galli ejus-  
 modi fœdera omnino fuisse licita de-  
 monstrare, idque pluribus ex S. Co-  
 dice, & Historia tam sacra quam pro-  
 fana allatis exemplis defendere nite-  
 rentur; sic, inquit, David cum  
 Achi Rege contra Saulem, Aza Judææ  
 Rex cum Benadad Syriæ Rege adver-  
 sus Reges Israel, Constantinus cum  
 Go-



Gothis, Bonifacius Comes cum Wan- Sæc. XVII.  
 dalis, Narfes Eunuchus cum Longo- A. C. 1636.  
 hardis, Arcadius Imperator cum Isdi-  
 garde Perfarum Rege, Heraclius cum  
 Sarracenis, Basilius & Constantinus  
 cum Ostelzio Sarraceno, Henricus, &  
 Fridericus itidem cum Sarracenis con-  
 tra Gallos, Ludovicus Sfortia Medio-  
 lanensis Dux cum Bajazete, Maximi-  
 lianus Austriacus cum Turcis, Fran-  
 ciscus I. Rex Gallix cum Angliæ Rege  
 & Turcis contra Carolum V, Paulus IV.  
 Pontifex cum Lutheranis contra Albam  
 Ducem & Hispanos foedus pepigere,  
 quin injustitiæ arguerentur.

Interim Ferdinandus Imperator e  
 contrario scriptum promulgari iussit,  
 quo belli contra Gallum moti justitiam  
 demonstratum ibat, atque inter caus-  
 sis præcipuas adducebat, quod Gallix  
 Rex violata belli Mantuani pacificatio-  
 ne Ratisbonæ conclusa cum Cæsaris  
 & Imperii hostibus colluderet, cum  
 Suecis & Protestantibus contra Cæsa-  
 rem foedera iniisset, illosque armis, pe-  
 cunia & militibus juvaret, ac denique  
 Imperii urbes & præcipue Lotharin-  
 gam vel ipse invaderet, vel auro ex  
 hostium manibus redemptas suis præ-  
 fidiis non sine magno Imperii, liberta-  
 tisque præjudicio firmaret.